

由夔府下江陵作

十二巫峯歷歷遊夔門長嘯下荆州朝吟落月我眉積暮對斜
陽燕尾洲山水蒼茫懷道侶乾坤浩蕩少仙傳不如自跨遼東
鶴乘輿還鄉省故邱

赤壁懷古

赤壁有數處在嘉魚者乃周郎破曹處也

石壁巉巖壓水隈三分事業此間開龍爭虎鬪今安在月白風
清我又來滾滾長江淘日夜茫茫戰壘激風雷興酣欲拉坡仙
嘯吹笛乘舟共往回

為雨為雲最有神莫將塵夢擬真人仙環隱隱從空下一片恩
膏一片春

道藏輯要

三丰全集

古今詩類

三

續畢集九

川百八

蜀市題

朝隱青城暮入我蜀中來往閱人多眼看白日忙忙去口唱藍
仙踏踏歌一箇葫蘆無價寶兩川風月安樂窩山林塵市遨遊
遍到處題詩認得麼

兩湖吟

化作漁翁盪小舟湖南湖北任遨遊酒乾直欲吞雲夢吟罷高
飛過鄂州萬里遙看吳地月一聲長嘯楚天秋湘濱老叟相逢
笑手指嘉魚下釣鈎

嘉魚縣名

書懷

心命惶惶亦可憐風燈雨電逼華年不登浪苑終為鬼何處雲

峯始遇仙九死常存擔道力三生又恐落塵緣瓣香預向終南
祝應有真人坐石邊

終南呈火龍先生

白雲青靄望中無已到仙人碧玉壺拚卻茫鞋尋地肺始瞻大
道在天都乾坤一氣藏丹室日月兩丸曜赤爐實與先生相見
晚慈悲乞早度寒儒

出終南二首

生平好善訪仙翁十萬黃金撒手空深謝至人傳妙訣出山尋
侶助元功

一蓑一笠下終南雲白山清萬象涵他日大丹鎔鍊就重來稽
道藏輯要

三丰全集

古今詩類

三

續畢集九

首拜仙庵

丹成作歌

洞裏深藏太古春心虛氣靜養元神直尋世外千年藥不染人
間半點塵時飲蟠桃酒時採靈芝根如醉如痴氣血生八兩真
鉛汞半斤月圓花現景難論捉虎擒龍渾易事先天一炁要殷
勤火候分明度數的十月功完脫聖真凡愚何處求丹法此是
吾家不二門

太和山口占二絕

太和山上白雲窩面壁功深似達摩今日道成談道妙說來不
及做來多